



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

KENYATAAN MEDIA MENTERI PEMBANGUNAN USAHAWAN DAN KOPERASI

PROGRAM BICARA ILMU “JANA PENDAPATAN DENGAN APLIKASI SMARTPHONE”

KUCHING, 29 Ogos 2020 – YB Dato Sri Dr. Haji Wan Junaidi Tuanku Jaafar, Menteri Pembangunan Usahawan dan Koperasi hari ini telah menghadiri Program Bicara Ilmu “Jana Pendapatan dengan aplikasi Smartphone” anjuran Institut Koperasi Malaysia (IKM). Program ini merupakan inisiatif Kerajaan melalui Kementerian Pembangunan Usahawan dan Koperasi (MEDAC) untuk membantu usahawan dan ahli koperasi menjana pendapatan melalui telefon pintar dengan menggunakan aplikasi media sosial seperti *Facebook, Instagram* dan *YouTube*.

Program yang mensasarkan 150 orang ahli koperasi dapat membantu dalam sesi praktikal pengendalian *camera* telefon dalam menghasilkan gambar yang menarik dan teknik suntingan gambar dengan menggunakan aplikasi suntingan dan pengiklanan melalui media sosial yang diketengahkan di dalam program ini.

Sehubungan itu, Institut Koperasi Malaysia (IKM) sebagai pusat latihan yang bertanggungjawab dalam pembangunan modal insan koperasi sentiasa membantu anggota koperasi di Sarawak untuk meningkatkan kemahiran dan pengetahuan di dalam pemasaran *online* dan penggunaan aplikasi

smartphone sejajar, melahirkan lebih ramai usahawan kedai maya dalam koperasi dan membantu meningkatkan sumbangan KDNK sektor koperasi dengan menggunakan sepenuhnya teknologi atau IOT dalam perniagaan.

MEDAC sentiasa memberikan komitmen tidak berbelah bagi dalam usaha untuk memperkasakan gerakan koperasi selaras dengan Dasar Keusahawanan Nasional 2030 (DKN2030) yang menyasarkan sumbangan perolehan koperasi sebanyak RM100 bilion menjelang tahun 2030. Hasil usaha ini akan dapat dicapai apabila Kementerian bersama agensi yang dipertanggungjawabkan untuk menjaga kepentingan koperasi, sentiasa berusaha mengukuhkan prestasi dan produktiviti pelbagai sektor koperasi, sebagai salah satu penyumbang utama dalam usaha meningkatkan ekonomi negara.

DATO SRI DR. HAJI WAN JUNAIDI TUANKU JAAFAR
MENTERI PEMBANGUNAN USAHAWAN DAN KOPERASI